



**R. P. Francisci Svarez Granatensis, E Societate Iesv
Doctoris Theologi; Et In Conimbricensi Academia
Sacrarvm Litterarvm Olim Primarii Professoris Emeriti De
Divina Gratia Pars ...**

Continens Prolegomena sex, & duos priores libros De Necessitate Divinæ
Gratiæ Ad Honesta Opera

Suárez, Francisco

Mogvntiæ, 1620

Index Capitvm Prolegomeni Sexti. De Scriptis probatam de gratia
doctrinam continentibus.

[urn:nbn:de:hbz:466:1-94086](https://nbn-resolving.org/urn:nbn:de:hbz:466:1-94086)

stolus dixit. Et hoc etiam sequitur ex negatione liberi arbitrij. Nam vt Augustin dixit, *Nemo iuuatur, nisi qui aliquid sponte conatur*. lib. 2. de Peccat. merit. cap. 5. & ideo dixit epist. 89. qu. 2. *Non tolli liberum arbitrium, quia iuuatur sed ideo iuari, quia non tollitur*. Et ratione declaratur, quia si dicatur voluntas hominis merē falsiue se habere in operibus pietatis, profecto ad illa non cooperatur: ergo neq; a Deo iuuatur, sed Deus solus illa per se facit. Si autem voluntas physice operatur, non tamen libere, sed ex necessitate, etiam hoc modo ipsa moraliter non operatur, & consequenter nec iuuatur, sed velut inanime instrumentum ad agendum applicatur.

10. *Error intolerabilis eorum.* His accedit alius intolerabilis error istorum circa diuinam gratiam: non solum enim negant, fieri per gratiam posse, vt homo libere operetur, sed etiam dicunt hominem lapsum nullum opus posse per gratiam facere, quod sit vndiq; bonum, seu quod peccatum non sit, vel mortale, vt rigidiores volunt, vel saltem veniale, vt molliores interpretantur. Quod aliqui dixerunt solum de homine nondum iustificato, alij vero etiam de iustificato idem sentiunt. Sed fortasse inter non discrepant. Nam opera ipsa in vtroq; statu sentiunt esse mala, & peccata, quia causam huius malitiæ dicunt esse concupiscentiam, quæ etiam post iustificationem operum omnia, & esse peccata, & ad peccatum imputari: post iustificationem vero licet peccata sint, propter fidem tamen iustificante non imputari. Atq;

in hoc sensu consequenter dicunt, per originale peccatum amisisse hominem libertatem bene operandi, quia ita factus est impotens ad omne opus bonum, vt etiam post regenerationem & iustitiam per nullā adiuantem gratiam possit bonum opus perficere. Quia concupiscentia contracta per peccatum omnia opera ex necessitate committat.

11. *Ex prædicto errore conclusio non minus damna.* Vnde etiam intulerunt, non posse hominem in hac vita implere præcepta, etiam per gratiam, ac subinde præcepta Dei homini in hoc statu imposita, esse illi simpliciter impossibilia; quia nec per naturæ lapsæ vires, nec per gratiam, quæ concupiscentiam nō collit, impleri possunt. Quod vult esse extra controuersiam Caluinus in Instit. lib. 2. cap. 7. & fuit doctrina Lutheri, quam Melancthon, & alij sequuti sunt. Præter hos sunt multi alij Lutheranorum errores, qui nō circa vires liberi arbitrij, vel necessitatem gratiæ, sed specialiter circa iustificationem, & necessitatem operum versantur, & ideo inferius in proprijs locis eos referemus, & impugnabimus. Possent etiam hoc loco referri articuli quidam Michaelis Baij, quorum notitia in hac materia necessaria est, tamen quia ille vir catholicus fuit, & non cum pertinacia errauit, ideo non est inter hereticos recensendus, sed in c. 2.

sequentis prolegomeni eius assertiones simul cum Bulla Pij V. & Gregorij XIII. referemus.

Finis Prolegomeni Quinti.



INDEX CAPITVM PROLEGOMENI SEXTI.

De Scriptis probatam de gratia doctrinam continentibus.

Caput I. De authoritate Pontificum Romanorum, qui gratiam defenderunt.

Cap. I I. De censura Pij V. & Gregorij XIII. aliquarum assertionum, partim naturæ, partim gratiæ nimium tribuentium, aut detrahentium.

Cap. I I I. De Concilio Diospolitano in Palestina contra Pelagium pro gratia Dei congregato, eiusq; actis, & authoritate.

Cap. I V. De Concilijs Africanis, & Ephesino, quæ cōtra Pelag. pro Dei gratia pugnarunt.

Cap. V. De alijs Concilijs contra reliquias Pelagianorum, & alios gratiæ hostes celebratis.

Cap. VI. De Patribus, qui veram de gratia doctrinam nobis tradiderunt; & contrarias hereses confutarunt.

Cap. VII. Continens Librum D. Augustini de Gestis contra Pelagium in Concilio Palestino per 22. capita distributum.

PROLE-